

Aruba Toastmasters Club cu mas reconocimiento internacional

ORANJESTAD- Despues di ricibi e reconocimiento como un Club distingui algun luna pasa, Aruba Toastmasters Club a bolbe haya e grato noticia cu ATC a wordo reconocí un biaha mas como un Distinguished Club Program y ademas a obtene tambe un Founders Award. Pa por a logra ricibi e reconocimiento aki nos club di ATC ta gradici tur e miembronan pa nan esfuerso. Sin nan esfuerso y sin e preparacion necesario pa por presenta tur nan speechnan, cumpliendo cu e

exigencianan internacional segun e manualnan di Toast Masters International, nos club di ATC no por a logra haya e reconocimiento aki. Pa por a ricibi e Founder Award tabata door cu ATC a patrocina e club nobo di Yamanota Toastmasters Cluby awo Aruba ta conta cu dos club di Toastmasters. ATC ta felicita nos Presidente saliente y awo Area Governor ALB sra. Judith de Palm pa tur su logronan y tambe sin lubida nos actual Presidente sra. Robin-Ann Didder cu

tambe a logra bira un Competent Communicator (CC) dos luna pasa. Nos Vice President Public Relation (VPPR) sra. Vivianne Jansen diahuebs ultimo tambe a logra su CC cu su tremendo speech dedica na eleccion caminda cu el a enfoca y inspira tur e Toastmasters y e invitadonan e anochi aki, pakico nan mester vota pe. Asina tambe CC Vivianne Jansen a sali un di e best speaker pa e anochi aki di 26 di september 2013. Best evaluator a keda den persona di sr. Anthony Thiel cu ta Presidente di Yamanota Toastmasters Club y tambe un miembro di ATC.

Nan proximo reunion educacional lo tuma luga dia 10 di october 2013, for di 7or te 9or di anochi na IPA local 3.E tema lo ta Cancer Awareness y tur hende ta keda cordialmente invita pabin cera conoci mas di cerca cu Toastmasters y tur locual esaki ta encera. □

